



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE P. - DEGA E GJYKATËS ISTOG

Numri i lëndës: 2022:059989

Datë: 30.05.2022

Numri i dokumentit: 03068960

PPP.nr.137/2019

GJYKATA THEMELORE NË P.- DEGA ISTOG, si përmbartimore e përberë nga Gjyqtari individual Blerim Istrefi, ne çështjen juridike të kreditorit KRU H... SH.A me seli në P., kundër debitorit K... B. M. G. NHT-N PIKË me adresë në Rr.Z. nr.. K-Istog, lidhur me pagesën e borxhit në shumë prej 1,312.02€, duke vendosur sipas prapësimit te parashtruar nga ana e debitori me dt. 31.10.2019, kundër Urdhrit mbi Lejimin e Përmbartimit, jashtë seancës me datën 30.05.2022, nxjerr këtë:

A K T V E N D I M

I.APROVOHET PJESËRISHT prapësimi i debitorit K... B. M. G. NHT-N PIKË me adresë në Rr.Z. nr.. K-Istog, ashtu që:

II.SHFUQIZOHET PJESËRISHT Urdhri mbi Lejimin e Përmbartimit P.nr.1333/2019, i dt:14.10.2019, për periudhën kohore 01.01.2015 e gjerë më 11.10.2016 në shumë prej 235.15 €, dhe **OBLIGOHET** debitori K... B. M. G. NHT-N PIKË me adresë në Rr.Z. nr.. K-Istog, që kreditorit KRU H... SH.A me seli në P., në emër të borxhit për ujin e shpenzuar për periudhën kohore 11.10.2016 gjer me 31.08.2019, t'ia paguaje shumën prej 1,076.87 €, me kamat ligjore prej 8% nga pranimi i këtij aktvendimi e deri ne pagesën definitive të detyrimit, të gjitha këto në afat prej 7 ditësh nga dita e pranimit të këtij aktvendimi, nën kërcënim të përmbartimit të detyrueshëm.

A r s y e t i m

Kreditori, KRU H... SH.A me seli në P., ka parashtruar propozim për përmbartim kundër debitorit K... B. M. G. NHT-N PIKË me adresë në Rr.Z. nr.. K-Istog, në emër të borxhit për ujin e shpenzuar për periudhën kohore 01.01.2015 e gjer me 31.08.2019, ne shume totale prej 1,312.02€, me kamat ligjore prej 8% si dhe shpenzimet e procedurës përmbartimore, të gjitha këto në afat 7 ditor në të kundërtën, të bllokohen llogaritë bankare të debitorit, e nëse nuk ka mjete në llogari të bëhet regjistrimi, sekuestrimi, vlerësimi dhe shitja e sendeve të luajtshme dhe të pa luajtshme e mjetet e mbledhura të derdhen në llogari të kreditorit, të gjitha këto të specifikuar në propozimin për përmbartim të dt. 11.10.2019.

Përmbartuesi Privat me Urdhër P.nr.1333/2019, i dt:14.10.2019, e ka lejuar përmbartimin sipas propozimit të kreditorit.

Debitori K... B. M. G. NHT-N PIKË me adresë në Rr.Z. nr.. K-Istog, brenda afatit ligjor ka parashtruar prapësim me shkrim, kundër urdhrit mbi lejimin e përmbartimit, me kërkesë që të anulohet urdhri përmbartimor, me arsyetimin se borxhit është i faturuar gabimisht i cili është i akumuluar para datës 30.09.2018 ku ka kaluar më shumë se një vit, ashtu që ka kaluar afati i përcaktuar me ligj dhe obligimi është parashkruar.

Kreditori, është njoftuar me prapësimin e debitorit si dhe e mundësinë e paraqitjes së përgjigjes, por se në shkresë të lëndës nuk ka dëshmi që ka paraqit përgjigje në prapësim.

Gjykata Themelore në P. – Dega Istog, si përmbartimore në zbatim të dispozitave të nenit 69 e 71 të LPP vlerësoi prapësimin e debitorit dhe gjeti se të njëjtit është i bazuar pjesërisht. Arsyet e paraqitura në prapësimin e debitorit pjesërisht tregojnë shkaqe sikurse në nenin 69 e 71 të Ligjit të Procedurës Përmbartimore, sipas të cilave do të pengohet përmbartimi i lejuar nga përmbartuesi privat.

Gjykata pas shikimit të shkresave tjera të lëndës, si dhe sa i përket pretendimeve të debitorit në prapësim kur thirret në atë që të anulohet urdhri përmbartimor, me arsyetimin se borxhit është i faturuar gabimisht i cili është i akumuluar, ashtu që ka kaluar afati i përcaktuar me ligj dhe obligimi është parashkruar, pretendimet e lartcekura gjykata gjeti se janë pjesërisht të bazuara, për faktin se i tërë borxhi me të cilin ngarkohet debitori K... B. M. G. NHT-N PIKË me adresë në Rr.Z. nr.. K-Istog, për periudhën kohore 01.01.2015 e gjerë më 11.10.2016, është borxh i parashkruar, konform nenit 355 par.1 dhe 2 të LMD-së, për faktin se debitori nga transaksioni i kreditorit gjatë kësaj periudhe shihet se ka bërë disa pagesa paushall, mirëpo nuk ka dëshmi se këto pagesa janë bërë në emër të borxhit paraprak apo në emër të faturave për muajt vijues, dhe se me vet faktin se ndërmjet kreditorit dhe debitorit nuk ka ekzistuar paraprakisht një marrëveshje për ri programim eventual të borxhit, kjo pagesa nuk e ka bërë ndërprerjen e rrjedhjes së afatit të parashkrimit, konform nenit 368 të LMD-se. Njëkohësisht, ky është edhe qëndrim i Gjykatës Supreme të Kosovës, referuar vendimin të saj (aktgjykimi Rev.nr.148/12, dt:09.09.2013).

Sa i përket borxhit për periudhën kohore 11.10.2016 e gjerë me 31.08.2019 gjykata, gjeti se i njëjti borxh është i bazuar dhe nuk ka vjetërsim të borxhit të kreditorit, në raport me debitorin për këtë periudhe kohore, referuar nenit 355 par. 1 të Ligjit për Marrëdhëniet e Detyrimeve (Ligji nr. 04/L-077), ku parashihet se “Kërkesat reciproke nga kontratat komerciale si dhe kërkesat e shpërblimit të shpenzimeve të bëra lidhur me këto kontrata, parashkruhen për tri (3) vite”, e që në rastin konkret për të gjitha kërkesat e arritura për periudhën 11.10.2016 e gjerë me 31.08.2019 nuk kemi kalim të afatit të parashkrimit, për faktin se kreditori, propozimin për përmbartim e ka parashtruar me datën 11.10.2019, me çka ka shkaktuar ndërprerjen e rrjedhjes së afatit të parashkrimit, konform nenit 369 të Ligjit për Marrëdhëniet e Detyrimeve (Ligji nr. 04/L-077).

Sa i përket kamatës së aplikuar për detyrimin e aprovuar si në piken II të dispozitivit, gjykata u referua nenit 382, par.1 dhe 2 të LMD-së.

Duke u bazuar në nenin 17 të LPP-së, gjykata përshtatshëmish aplikoj dispozitat ligjore Ligjit të Marrëdhënieve të Detyrimeve.

Prandaj nga të lartcekurat, e duke u bazuar ne nenin 3, 17, 29 par.1.2, 1.3 dhe par.3, 37, 38, 69, 71, 73 par 3 të LPP-së (Ligjit për Procedure Përmbartimore), ne lidhje me nenin 360 par.1 dhe 2, 368 dhe 369 dhe 382 par.1 dhe 2 të LMD-së, gjykata vendosi si ne dispozitiv të këtij aktvendimi.

GJYKATA THEMELORE NË P.- DEGA ISTOG
PPP.nr.137/2019 dt: 30.05.2022

GJYQTARI
Blerim Istrefi

UDHËZIM MBI MJETIN JURIDIK: Kundër këtij aktvendimi, lejohet e drejta në ankesë, në afat prej 7 ditësh, nga pranimi i të njëjtit, Gjykatës së Apelit në Prishtinë. Ankesa ushtrohet përmes kësaj gjykate.